

ՍԵՊՏԵՄԲԵՐԻ 15-ԻՆ ՄԵԿՆԱՐԿԵՑՆԵՐ ՆՈՐ ՌԻՍՈՒՄՆԱԿԱՆ ՏԱՐԻՆ

ԾԱԼԿԱՅԻ ՔԱՂԱՔԱՊԵՏԱՐԱՆԻ ՖԻՆԱՆՍԱՎՈՐՄԱՍԲ ԴՋԼՔԻԼԻՍԱՅԻ ՀԱՆՐԱՅԻՆ ԴՊՐՈՑՈՒՄ ԿԵՆՏՐՈՆԱԿԱՆ ՋԵՌՈՒՑՈՒՄ Է ԱՆՑԿԱՑՎԵԼ



Ուսումնական տարին սկսեցինք մեր շրջանի ցրտաշունչ ձմռանը պատրաստ:

Ինչ խոսք, մինչ այդ դպրոցը վառարանների միջոցով էր տաքացվում: Բայց լինելով բավական մեծ՝ այստեղ լիարժեք տաքություն ապահովելն իսկապես դժվար էր: Ուզում եմ շնորհակալություն հայտնել Ծալկայի մունիցիպալիտետի քաղաքապետարանի ղեկավարությանը մեզ հատկացրած 300 հազար լարիի համար, որի շնորհիվ, մեր դպրոցում կարգավորվեցին ոչ միայն ջեռուցման, այլև ջրամատակարարման, սանհանգույցի խնդիրները, եւ նույնիսկ դպրոցի մուտքի մոտ ծորակ տեղադրվեց: Այս ամենը կենսականորեն կարեւոր էր հատկապես համավարակի պայմաններում: Ասեմ, որ տեղադրել ենք նաեւ անվտանգության տեսախցիկներ, մեր երեխաների անվտանգությունն է՛լ ավելի ապահովելու համար:

Ինչ վերաբերում է սոցիալական հեռավորությանը, պապ այդ առումով դպրոցում խնդիր չունենք, քանի որ մեր աշակերտների թիվն ընդամենը 153 է, չենքը եռահարկ, տարածքը մեծ: 2020-2021 ուսումնական տարին սկսեցինք սեպտեմբերի 15-ին, դասանենյակներում, տեսչական հատուկ խմբի կողմից ստուգման դրական գնահատականից հետո միայն: Ինչ խոսք, անհամեմատելի են դասասենյակում երեխաների անմիջական եւ օնլայն դասընթացները: Ուստի, ուրախ եւ

շնորհակալ եմք դպրոց հաճախելու հնարավորության համար: Հույս ունենք, որ շնորհիվ մեր մունիցիպալիտետի, ուր առայսօր կորոնավիրուս չի գրանցվել, բնակչության կարգապահության շնորհիվ, դպրոցները կշարունակեն իրենց գործունեությունը դասասենյակներում:

Բնականաբար, բոլորի հետ միասին հեռավար դասընթացների դառը փորձն ունեցանք անցած ուսումնական տարվա երկրորդ կիսամյակում: Այդուհանդերձ, արդյունքներից գոհ եմք, մեր տասը շրջանավարտից, այդ թվում՝ մեկը ոսկե, երկուսն՝ արծաթե մեդալակիր, հինգն ընդունվեցին Վրաստանի եւ Հայաստանի բուհեր: Մեր դպրոցի մանկավարժների թիվը 23 է, այստեղից 13-ն ավագ մասնագետներ են:

2020-21 ուստարում առաջին դասարանցիների թիվը տասներեք է, անցած տարի ավելի շատ էին, բայց ուրախացնեմ, որ արդեն հաջողում հունձնք իսկապես առատ է լինելու, ըստ նախատեսվածի, մեր դպրոց կհաճախի եւս 21 աշակերտ:

Միբեկեմք, շնորհավորում եմ ուսումնական մեր մեկնարկի առիթով: Թեւեւ բարդ է սկիզբը ու համավարակի հետեւանքների պայմանավորված վախով լի, այդուհանդերձ շատ բան նաեւ մեզանից է կախված: Կարեւոր է յուրաքանչյուրիս պատասխանատվությունը՝ կյանքի նորմալ հունձնորից վերադառնալու համար:

ԱԶՆԻՎ ՈՍԿԱՆՅԱՆ

ԴՊՐՈՑԻՍԱՅԻ ՀԱՆՐԱՅԻՆ ԴՊՐՈՑԻ ՍՈՐԵՆ

ՀԵՏԵՎՈՂԱԿԱՆ ՌԻՇԱԴՐՈՒԹՅԱՆ ՀԱՄԱՐ ՄԵՆՔ ՇՆՈՐՀԱԿԱԼ ԵՆՔ ՎՐԱՍՏԱՆԻ ԿՐԹՈՒԹՅԱՆ ՆԱԽԱՐԱՐՈՒԹՅԱՆԸ

Միբեկեմք՝ դպրոցականներ, ուսանողներ, մանկավարժներ եւ, ընդհանրապես, կրթության ոլորտի բոլոր մերկայացուցիչներ, շնորհավորում եմ յուրաքանչյուրիդ:

Այս տարին փորձության շրջան է թերեւս ողջ աշխարհի համար, եւ ես, լիահույս եմ, որ այն հաղթահարելու ենք միանգամայն առողջ ու առավել հմտացած մեր առաքելության մեջ: Կորոնավիրուսը մեր երկրում, կառավարության ճիշտ քայլերի շնորհիվ, համեմատաբար լայն ընդգրկումներ չի ունեցել՝ գերծ պահելով Ծալկայի մունիցիպալիտետը եւս: Եվ ես երջանիկ եմ, որ մեր շրջանում սեպտեմբերի 15-ին երեխաները կրկին բացեցին իրենց կարոտած կրթության ղեկը: 2020/21 ուսումնական տարին սկսեցինք դասասենյակներում՝ մեծ հույսեր փայփայելով, որ մեր համատեղ ջանքերի շնորհիվ, այլեւս չենք լքի դպրոցը: Պատասխանատվությունը մեծ է, հետեւաբար, դպրոցն առավելագույնս զինված պաշտպանիչ դիմակներով, ախտահանման լուծույթներով, մուտքի մոտ համապատասխան գորգերով: Մենք շնորհակալ եմք Վրաստանի կրթության, գիտության, մշակույթի, սպորտի ու նաեւ առողջապահության նախարարություններին՝ հետևողականության, հատկապես պարագաների եւ, առհասարակ մշտական ուշադրության համար:

Բարեբախտաբար, դպրոցում խնդիրներ չունենք: Լիարժեք է մանկավարժական կազմը, ապահովված ենք ինչպես Վրաստանի կրթության նախարարության, այնպես էլ՝ Հայաստանի տրամադրվող «Հայոց լեզվի եւ գրականության» դասագրքերով:

Անցած ուսումնական տարում Օգնիի դպրոցն ուներ 66 աշակերտ, որից 5-ը՝ շրջանավարտ: Այդ 5-ից Գոռ Սիմոնյանն արժանացավ ոսկե մեդալի, Ալինա Ավագյանը՝ արծաթե: Գոռ Սիմոնյանն արդեն իսկ Թբիլիսիի Լիլյայի պետական համալսարանի ուսանող է: Նույն բուհն է ընդունվել նրա համադասարանցին՝ Այծեմնիկ Դուբասարյանը: Իսկ մնացած 3-ը ուսումը շարունակելու են Հայաստանում:

Այս տարի առաջին դասարանցիների թիվը 4 է՝ 3 տղա, 1 աղջիկ: Իհարկե, ցավում եմ, որ քիչ են, բայց փորձելու ենք այնպես անել, որ չորսն էլ հետագայում արժանի մարդ ու մասնագետ դառնան:

Եվս մեկ անգամ շնորհավորում եմ բոլորիս մաղթելով առողջ ու բովանդակալից ուսումնական առօրյա:

ՈՒԶՄԻՎ ՀԱՆՏԵՅԱՆ

Օգնիի հանրային դպրոցի տնօրեն

Ծալկայի մունիցիպալիտետ

ՄԻՐՋՈՒՎԿԱ, ՇԱՐՈՒՆԱԿԻՐ ՀՊԱՐՏԱՆԱԿ ԔՈ ԴՊՐՈՑՈՎ

Տարիներ առաջ «Վրաստան» թերթում տպագրվեց արժանահիշատակ բանաստեղծուհի ու հրապարակախոս Անահիտ Բոստանջյանի մի հետաքրքիր հոդված՝ «Միրզոյան, հայարտացի՞ր քո դպրոցով» վերնագրով: Արդեն այսօր գյուղը եւ դպրոցի մանկավարժական կազմը հայարտությամբ կարող է հավելել «Դպրոց, հայարտացի՞ր քո սաներով»: Ի՞նչը ուսուցչի համար կարող է լինել առավել կարեւոր, քան կատարած աշխատանքի արդյունքը, երբ զգում ես, որ ցանքը, որն անձնուրացությամբ ու ջերմությամբ, սիրով եւ ակնածանքով ցանցել ու խնամել ես, այժմ ծլարձակել եւ բերք է տալիս, երբ աշխատանքը, որին նվիրվել ես մինչեւ վերջ, ստանում է իր արժանի գնահատականը:

Չմայած համավարակով պայմանավորված իրավիճակի եւ մանավանդ, որ Մառնեուլիի մունիցիպալիտետում ամբողջությամբ շրջափակված էր՝ հայտարարվելով կարմիր գոտի, եւ դպրոցներն անցել էին հեռավար ուսուցման, իսկ շատերը վախով ու կասկածով էին մոտենում հեռավար ուսուցմանը՝ երկն-

տելով նրա հաջողության մեջ, մեր դպրոցի 7 շրջանավարտներից 5-ը՝ Է.Սազմանյանը, Ա.Իոսիպովը, Վ.Խուրանը, Է.Խաչատրյանը, Ս.Չիչյանը, այդուհանդերձ կարողացան ընդունվել Վրաստանի տարբեր բարձրագույն ուսումնական հաստատություններ, ընդ որում նրանցից 3-ը՝ Է.Սազմանյանը (ոսկե մեդալակիր, Թբիլիսիի պետական համալսարան), Ա.Իոսիպովը (ոսկե մեդալակիր) եւ Է.Խաչատրյանը (Տեխնիկական համալսարան), ստացել են 100 տոկոս ֆինանսավորում:

Եվ ահա, մեկնարկեց նորը՝ նոր ձեռքբերումների սպասելով: Դպրոցի մանկավարժական կազմը շնորհավորում է իր սաներին եւ մաղթում նորանոր հաջողություններ:

ԷՂՎԱՐ ՄԱԶՄԱՆՅԱՆ

Թբիլիսիի պետական համալսարանի միջազգային հարաբերությունների ֆակուլտետի նախապատրաստական կուրսի ուսանող

Մեր թղթակից

ԲԱԹՈՒՄԻ ՎՐԱՑ-ՀԱՅԿԱԿԱՆ ԴԱՍԱՐԱՆԻ ԱՇԱԿԵՐՏՆԵՐԻ ԹԻՎԸ ՏԱՐԵՑՏԱՐԻ ԱՃՈՒՄ Է



- Ինչպես հայտնի է, Աջարիայի Ինքնավար Հանրապետությունն այս պահին ամենախոցելի է մեր երկրում կորոնավիրուսի դեպքերի մեծաթվության տեսանկյունից: Դպրոցները ոչ միայն հեռավար ուսուցմամբ են մեկնարկել, այլև հոկտեմբերի 1-ից, երբ որոշ քաղաքներում գոնե տարրական դասարաններն անցնելու են առկա ուսուցման, Աջարիայում, միեւնույն է, շարունակելու ենք հեռավար, մեզ հետ գրույցում սաաց Բաթումիի թիվ 4 հանրային դպրոցի հայոց լեզվի ուսուցչուհի Սաթեմիկ Դանիելյանը:

- Ինչպես նախորդ ուսումնական տարեվերջը, այնպես էլ՝ նորի սկիզբը որոշակի դժվարություններով ու ոչ լիարժեքությամբ է պայմանավորված, - սաաց Սաթեմիկը եւ շարունակեց: Այդուհանդերձ, փորձում ենք հնարավորին չափ մեր ուժերն ուղղորդել երեխաների կրթմանն ու զբաղվածությանը: Երեւի «Վրաստանի» ընթերցող գիտի, որ արդեն երեք տարի է՝ Բաթումիի թիվ 4 հանրային դպրոցում հայկական դասարան է բացվել, ուր 1-ինից մինչեւ 12-րդ դասարանի աշակերտները հնարավորություն ունեն ամեն օր սերտել նաեւ մայրենին ու գրականությունը: Առաջին զանգը, թեկուզ հեռավար, բնականաբար հնչեց մեր փոքրիկների համար եւս: Ուսումը սկսվեց սեպտեմբերի 15-ից:

Սեպտեմբերի 18-ին, ավանդույթի համաձայն, 1-3-րդ դասարանցիներն այցելեցին Բաթումիի Սուրբ Փրկիչ եկեղեցի, ուր ստացան Վիրահայոց թեմի Աջարիայի, Գուրիայի եւ Իմերեթիի հայության հոգեւոր հովիվ Ս. Արարատ Գումբալյանի օրհնությունը: Երեխաների համար նաեւ փոքրիկ հյուրասիրություն էր կազմակերպվել աշխույժ մթնոլորտ ստեղծելու համար:

Բաթումիում ուրախությամբ փաստում են, որ վրաց-հայկական դասարաններում աշակերտների թիվը տարեցտարի ավելանում է:

ԱՆՆԱ ՍԱՐԻԲԵԿՅԱՆ

ՉԱՆԱԽՉԻԻ ԴՊՐՈՑԻ ՆՈՐ ՇԵՆՔԻ ՀԻՄՔ ՀԱՄԱՎԱՐԱԿԻ ՊԱՅՄԱՆՆԵՐՈՒՄ

Շնորհավոր ուսումնական տարի, թող այն միտված լինի դեպի բարին ու լուսավորը, դեպի մարդկությանը պիտանի լինելու անհրաժեշտությունը:



Չանախչիում ուսումնական տարին այն նույն ոգեւորությամբ սկսեցինք, ինչ նախորդ տարիներին, չնայած որ, ավանդական միջոցառում չկար: Իրականում, գյուղի երեխաների համար դպրոցը շարունակում է մնալ այն միակ վայրը, ուր հնարավոր է հաճախել: Երեւի այդ է պատճառը, որ մեր ինձամյա դպրոցի տասնինը աշակերտը եւ այդ թվում՝ չորս առաջին դասարանցիները, առավել պատասխանատվությամբ են մոտենում համավարակի պայմաններում դպրոց հաճախելու իրենց առավելությանը՝ հետեւելով մանկավարժների բոլոր ցուցումներին:

Ինչպես գիտեք, մեր դպրոցի պարապմունքներն ընթանում են տնակներում:

Դպրոցի շենքը կառուցվել է 1927 թվականին եւ ամբողջությամբ վթարվել 1988 թվականի երկրաշարժի հետեւանքով: Այս տարիների ընթացքում անընդհատ խոսել ենք շենքի անհրաժեշտության մասին եւ ուրախ ենք, որ վերջապես նոր շենքն իրականություն է դառնալու: Հին դպրոցի տարածքում նորի հիմքն արդեն զգված է, շինաշխատանքներն ընթացքի մեջ են, ու պատրաստ է նախագիծը՝ միահարկ, շատ գողտրիկ ու ժամանակակից շենք է լինելու: Սա, բնականաբար, կնպաստի մեր երեխաների առաջադիմությանը ու նաեւ կկանխի գյուղի բնակչության արտահոսքը:

Այս ուրախակի իրադարձությանը սպասում է ամբողջ գյուղը, ուստի նաեւ տարվա մեկնարկն այդ ուրախ սպասումի տրամադրությամբ էր համակված: Տարին սկսեցինք առկա ուսուցմամբ՝ դասասենյակներում: Մեր առաջին դասարանցիներին նվիրեցինք բուքեր եւ դպրոցի կողմից գրեմական պիտույքներ: Նրանք եկել էին սպիտակ ու սեւ համազգեստներով, երջանիկ ծնողների ուղեկցությամբ, թեւեւ չենք մտան արդեն ինքնուրույն ու վստահ՝ մյուսների հետ միասին անցնելով ջերմաստուգում եւ ախտահանում: Աշակերտության սակավաթվությունը, կարելի է ասել, օգնեց դասապրոցեսն ըստ համապատասխան հանձնարարականների կազմակերպելու համար: Բոլոր դասարաններն ապահովված են սանիտար-հիգիենիկ համապատասխան պարագաներով:

Մնում է միայն առողջություն մաղթել բոլորիս ու նաեւ բարձր պատասխանատվություն: Համավարակն առավել ընդգծեց, որ գիտելիքը հույժ կարեւոր է ցանկացած բնագավառում, ուստի մեր երեխաներին ուսումնառության առատություն են մաղթում:

ՄԱՆԱ ԱՄՆՈՒԿՅԱՆ

Մառնեուլիի մունիցիպալիտետի Չանախչի գյուղի ինձամյա դպրոցի տնօրեն

ՖԻՆԱՆՍՆԵՐ

ԿԱՌԱՎԱՐՈՒԹՅՈՒՆԸ ԵՎ ԱՉԳԱՅԻՆ ԲԱՆԿԸ ՄԻՋՈՑՆԵՐ ԵՆ ՁԵՌՆԱՐԿՈՒՄ ԼԱՐԻ ԸՐԺԵՉՐԿՈՒՄԸ ԿԱՆԽԵԼՈՒ ՀԱՍԱՐ

Արդեն մի քանի օր է, ինչ Վրաստանի ազգային տարադրամը՝ լարին, անկում է ապրում ամերիկյան դոլարի, եվրոպական եվրոյի նկատմամբ: Սեպտեմբերի 25-ին, արձանագրվեց լարիի պատմության ամենառեկորդային անկումը՝ ներկայիս պաշտոնական փոխարժեքը 1 դոլարի դիմաց 3,2537 լարի է, 1 եվրոյի դիմաց՝ 3,8267 լարի:

Վրաստանի ազգային արժույթի պատմության մեջ եվրոպական արժույթը երբեք այսքան բանկ չի եղել: Ավելին, կոմերցիոն բանկերում եւ երկրի տարադրամի փոխանակման կետերում արտարժույթի արժեքը մի փոքր ավելի բարձր է, քան պաշտոնական փոխարժեքը:

Մինչ այդ, լարիի ռեկորդային նվազում տեղի էր ունեցել 2020 թվականի մարտի 27-ին՝ համավարակի սկզբից ամսիցապես հետո: Այն ժամանակ 1 եվրոյի պաշտոնական փոխարժեքը կազմում էր 3,8159 լարի, ինչը 1 թեթրիով գիջում էր այսօրվա տվյալներին:

Այն, որ գլոբալ համավարակը ազդեցություն էր գործելու համաշխարհային էկոնոմիկայի, հետեւաբար, աշխարհում շրջանառվող տարադրամների վրա, ակնհայտ փաստ էր, թեպետ, մասնագետների գնահատմամբ, այդ ազդեցությունը, բացասական առումով, գերազանցեց բոլոր կանխատեսումները: Հիշեցնենք, որ լարիի անկումը սկսվեց կորոնավիրուսի դեմ պայքարի շրջանակներում կառավարության կողմից ընդունած սահմանափակումների (արտակարգ դրություն, սահմանների փակում, կարանտին եւ այլն) կիրարկումից ամսիցապես հետո: Իր ազդեցությունը ունեցավ նաեւ Վրաստանի էկոնոմիկայում եկամտային այնպիսի աղբյուրից տարադրամային

ներարկումների հոսքի դադարեցումը, ինչպիսին զբոսաշրջության ոլորտն էր: Բավական է նշել, որ անցյալ տարի երկիր այցելեց գրեթե 9.5 միլիոն զբոսաշրջիկ, եւ միայն այդ ոլորտից պետական բյուջեն ստացավ գրեթե 10 միլիարդ դոլարի եկամուտ: Համավարակը եւ դրանով պայմանավորված սահմանափակումները էականորեն նվազեցրին նաեւ էկոնոմիկայի մյուս ճյուղերի եկամուտները: Լարիի արժեզրկումը պայմանավորող գործոնների թվում կարելի է նշել նաեւ պետության կողմից տնտեսական ճգնաժամի այս ժամը պայմաններում բնակչությանը տրվող սոցիալական օգնությունը: Նշենք, որ համավարակի բռնկումից առաջ 2020 թվականի փետրվարի 23-ին, 1 եվրոյի պաշտոնական փոխարժեքը 3,0571 լարի էր, իսկ մեկ ԱՄՆ դոլարը՝ 2,82999 լարի: Այս ընթացքում լարիի փոխարժեքը դոլարի նկատմամբ արժեզրկվել է 42 թեթրիով, իսկ եվրոյի նկատմամբ՝ 77 թեթրիով:

Միայն սեպտեմբերին լարին դոլարի նկատմամբ արժեզրկվել է 18, իսկ եվրոյի նկատմամբ՝ 16 թեթրիով:

Լարին կայունացնելու նպատակով, Ազգային բանկը օրերս աճուրդի հանեց ամերիկյան դոլարի հերթական գումարը՝ 40 միլիոնի չափով: Ընդհանուր առմամբ, Ազգային բանկը լարիի կուրսի կայունացման համար ըն-

թացիկ տարվա սկզբից արդեն վաճառել է 420 միլիոն ԱՄՆ դոլար:

Ազգային տարադրամի արժեզրկման կանխման ուղղված միջոցառումներ է անցկացնում նաեւ Վրաստանի կառավարությունը: Մասնավորապես, բանակցություններ են տարվում Արժույթի միջազգային հիմնադրամի, Ասիայի Չարգացման բանկի եւ միջազգային ֆինանսական մյուս կազմակերպությունների հետ, վարկերի եւ դրամաշնորհների ապահովման, երկրի էկոնոմիկայում եւ ֆինանսական հատվածում տարադրամային նոր ներարկումների իրականացման նպատակով: Ներկայումս կառավարության տնտեսական թիմը միջոցներ է ձեռնարկում էկոնոմիկայի փրկության, երկրի տնտեսական անկումը կանգնեցնելու ուղղությամբ:

ՄԻՄՆ ԿԻԼԱՉԵ



ՉԵՆՈՒՄ

ՇՆՈՒՆՊՈՎ ԹԲԻԼԻՍԻ ԱՐՄԱՅԻՍ ՔԱՄԱԼՈՎԸ ԱՐԺԱՆԱՅԵԼ Է ՌՈՒՍԱՍՏԱՆԻ ՊԵՏԱԿԱՆ ՔԱՂԱՔԱՅԻՎԱԿԱՆ ԱՄԵՆԱԲԱՐՉՐ՝ «ԱԼԵՔՍԱՆԴՐ ՆԵՎՍԿՈՒ» ՇՔԱՆՇԱՆԻ



Սոսկվայի պետական համալսարանի համալսարանական կլի-նիկայի տնօրեն, 59-ամյա Արմայիս Քամալովը պարգևատրվել է Ռուսաստանի պետական քաղաքացիական ամենաբարձր՝ «Ալեքսանդր Նեւսկու» շքանշանով:

Նշենք, որ Ռուսաստանի Դաշնության նախագահ Վլադիմիր Պուտինի կողմից համավարակների դեմ պայքարում ունեցած վաստակի, բուժման առաջադեմ մեթոդների մշակման եւ կորոնավիրուսի դեմ պայքարում ունեցած մեծ ավանդի ու մասնագիտական պարտքը կատարելիս ցուցաբերած անձնագոհության համար պարգևներ ստացան նաեւ այլ բժիշկներ ու բուժքույրեր:

Ակադեմիկոս Արմայիս Քամալովը ծնվել է թբիլիսահայերի ընտանիքում, իսկ դպրոցն ավարտելուց հետո, տեղափոխվել Սոսկվա: Այնտեղ էլ ավարտել է ինստիտուտը:

- Ես բժիշկ եմ, ոչ թե գործարար, թեեւ գտնում եմ, որ պետք է միշտ ունենալ մարդկանց օգնելու հնարավորություն: Իհարկե, բժիշկը, առաջին հերթին, մարդկանց օգնում է իր գիտելիքներով, սակայն գոյություն ունեն նաեւ բարեգործական նախագծեր, որոնք շատ մոտ են իմ հոգուն:

Թբիլիսիի Առաջնորդանիստ Սուրբ Գեորգ եկեղեցին, որի վերաբացմանը մի քանի տարի առաջ՝ 2015 թվականին, մասնակցեցի նաեւ ես իմ ընտանիքի անդամների հետ, ինձ համար շատ հարագատ է: Այնտեղ է տեղի ունեցել ծնողների ամուսնական ծիսակարգը, այստեղ ենք մկրտվել նաեւ ես եւ եղբայրս, ժամանակին այդտեղ էինք լինում մեր ծնողների հետ:

Եկեղեցու վերաբացման միջոցառմանը



Արմայիս Քամալովը ընտանիքի հետ միասին Թբիլիսիի Սուրբ Գեորգ եկեղեցու գավթում (2015թ.)

տայի վրա գտնվող բյուրեղապակու խանութը: Նրան անվանում էին «Բյուրեղապակու Արմայիս»:

Պապա բարձրագույն կրթություն չէր ստացել, խանգարել էին հեղափոխությունը եւ դրանից բխող հետեւանքները, թեեւ արել էր ամեն հնարավորը, որպեսզի երեխաներն ու թոռները կրթություն ստանային: Հայրս եւ հորեղբայրս բարձրագույն կրթություն ստացել են Թբիլիսիում, իսկ ես ու եղբայրս մեկնեցինք Մոսկվա տեղի բժշկական ինստիտուտում սովորելու, քույրս էլ այնտեղ ավարտեց օտար լեզուների ինստիտուտը: մեզ հետ գրույցում հիշում է ակադեմիկոս Արմայիս Քամալովը:

ԱՐԵՎԻԿԱ ՄԱՆՈՒԿՅԱՆ

ՏԵՍԱՅՈՒՆՈՎԱԿ

ԼԵԴԻ ԳԱԳԱՆ ԵՎ... ՓԱՐԱԶԱՆՈՎԸ



Ամերիկյան ճանաչված երգչուհի Լեդի Գագան նոր տեսահոլովակ է նկարահանել Սերգեյ Փարաջանովի «Նռան գույնը» ֆիլմի մոտիվներով:

Երգչուհին իր վեցերորդ ստուդիայի Chromatica ալբոմում ներառված 911-ի վրա նկարահանված երգի տեսագրությունը սեպտեմբերի 18-ին հրապարակեց YouTube-ում եւ կարճ ժամանակահատվածում հավաքեց ավելի քան 6 միլիոն դիտորդ:

1968 թվականին Սերգեյ Փարաջանովի կողմից նկարահանված «Նռան գույնը» ֆիլմը Ֆեդերիկո ֆելիսինո, ժան Լյուկ Գոդարը եւ Միքելանջելո Անտոնիոնի հռչակեցին որպես կինոյի գլուխգործոց: Ֆիլմում գլխավոր դերը կատարում է Սոփիյո Գիաուրելին:

ՆՈՐՈՒՅԹ

TBC-ԻՆ ՍԿՍԵՑ ԴՐԱՄԱԿԱՆ ՓՈՒՆԱՆՑՈՒՄՆԵՐԻ ԱՎՑԻԱՆ

TBC-ին սկսել է դրամական փոխանցումների ակցիան: Սպառողին, ով բանկի միջոցով փող է առաքում կամ ստանում, կտրվի հնարավորություն որպես նվեր ստանալ գերպարգել՝ 20 000 լարի կամ ընտրել է 20 000 ակնթարթային նվերներից մեկը:

TBC-ի դրամական փոխանցումների ակցիան սկսվեց սեպտեմբերի 18-ից եւ կշարունակվի մինչեւ դեկտեմբերի 25-ը: Սպառողները ավտոմատ ներգրավվում են ակցիայում: Փոխանցած գումար ստացող յուրաքանչյուր երրորդ սպառողը կարող է որպես նվեր ակնթարթային պարգև ստանալ, այդ թվում՝ PSP-ի, «Նիկորայի» եւ «Սուփթա սախլի» վաուչերներով (մինչեւ 50 լարի) դրամական պարգևով 50 եւ 100 նոմինալով, համացանցի մեզաքարտով եւ 0 տոկոսաճոց կոմիսիոն տոկոսադրույքով համացանց եւ մո-

բայլ բանկով կատարած կոմունալ վճարումների համար: Ակցիայի գլխավոր պարգեւը՝ 20 000 լարին, կատանան այն երկու սպառողները, ովքեր TBC-ի բանկի միջոցով երեք եւ ավելի անգամ կիրականացնեն դրամական փոխանցումներ կամ գումարի ստացում: TBC-ում դրամական գումարի կանխկազմումը հնարավոր է հեշտությամբ, առանց տանից դուրս գալու, համացանցով եւ մոբայլբանկի միջոցով www.tbconline.ge, թեժ գծին զանգահարելով՝ 0320 272727:

Գումարի փոխանցումը հնարավոր է TBC-ի բանկի ցանկացած մասնաճյուղից եւ սերվիս-կենտրոնից: TBC-ի բանկում սպառողը հնարավորություն ունի գումարը ստանալ եւ փոխանցել հետեւյալ միջազգային փոխանցումներով՝ INTEL EXPRESS, FICO GRAM, VONEYGRAM, ZOLOTAYA KORONA, WESTERN UNION, UNISTRAM RIA, CONTACT, Իսրայելի փոխանցումները World com finance: Ակցիայի վերաբերյալ մանրամասն տեղեկատվությունները ներկայացված է http://bit.ly/moneytransfercampaign կայքէջում:

Advertisement for TBC bank promotion. It features a graphic with the number 20000 and the text '20000 ԵՎ 20000 ԼԱՐԻ' (20000 AND 20000 LARI). Below it, there are icons of gift boxes and a globe. The text at the bottom says 'http://bit.ly/moneytransfercampaign'.

ՀԱՅԱՍՏԱՆ - ԱՐՅԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆՊԵՍԻ, ՊԱՆԱՐՄԵՆԻԱՆԻ ԵՎ ԿԱԿԱԶՊԵՍԻ ՆՅՈՒԹԵՐՈՎ

ՄԻՋՈՑԱՌՈՒՄՆԵՐ՝ ՆԿԻՐՎԱԾ ԱՆԿԱԽՈՒԹՅԱՆ ՕՐՎԱՆ

«Արմենիան Արմ» հայրենասիրական հասարակական կազմակերպությունը, ՀՀ պաշտպանության նախարարության հետ, սեպտեմբերի 21-ին՝ Հայաստանի Հանրապետության Անկախության 29-րդ տարեդարձի կապակցությամբ, Երևան քաղաքում կազմակերպեց մի շարք մարզական եւ մշակութային միջոցառումներ:

Երևանի Ազատության հրապարակի հարակից տարածքում անցկացվեցին K1 ֆեդերացիայի մասնակիցների բացօթյա մարզումներ. մոտորեք՝ Երևանի կենտրոնից դեպի Հաղթանակ զբոսայգի, Մայր Հայաստան քանդարանի հարակից տարածքից՝ հեծանվալագր դեպի Եռաբլուր զինվորական պանթեոն, ամենագնացներով երթ Եռաբլուրից դեպի Ազատության հրապարակ:

Ազգակերպվեց նաեւ քայլերը Ազատության հրապարակից դեպի Արմյան փողոց, որին մասնակցեցին եւ կատարումներով հանդես եկան «Երեւանյան թմբուկներ» խումբը, «Միլեն» շոու բալետը, Հայաստանի պաշտպանության նախարարության զինվորական նվագախումբը: Ցուցադրական ելույթով հանդես եկավ նաեւ ՀՀ-ի ՊՆ պատվո պահակախումբը:

ՇՆՈՐՀԱՎՈՐԱՆՔՆԵՐ՝ ԱՆԿԱԽՈՒԹՅԱՆ ՏՈՆԻ ԱՌԻԹՈՎ

Հայաստանի Անկախության օրվա առթիվ շնորհավորական ուղերձներ են հղել ԱՄՆ նախագահ Դոնալդ Թրամփը, Ռուսաստանի նախագահ Վլադիմիր Պուտինը, Չինաստանի նախագահ Սի Չինփինը, Իրանի նախագահ Հասան Ռոհանին:

Շնորհավորական ուղերձներ են հղել նաեւ Միացյալ Թագավորության թագուհի Էլիզաբեթ Երկրորդը, Բուլղարիայի վարչապետ Բոյկո Բորիսովը, Ղազախստանի նախագահ Կասիմ Ժոմարտ Տոկաեւը, Ղազախստանի առաջին նախագահ Նուրսուլթան Նազարբաեւը, Եգիպտոսի վարչապետ Մուստաֆա Մադբուլին, Տաջիկստանի նախագահ Էմոմալի Ռահմոնը, Արաբական Միացյալ Էմիրությունների փոխնախագահ, վարչապետ եւ Դուբայի կառավարիչ Շեյխ Մուհամմադ բին Ռաշիդ Ալ-Մաքթումը, Զինված ուժերի գերագույն փոխհրամանատար Մուհամմադ Բին Զայեդ Ալ Նահյան, Իրաքի նախարարների խորհրդի ղեկավար Մուստաֆա Ալ-Բազիմին, Թուրքմենստանի նախագահ Գուրբանգուլի Բերդյուկովը, Մոլդովայի վարչապետ Իոն Կիլոլին, Ինդոնեզիայի նախագահ Ջոկո Վիդոդոն, ՀԱՊԿ գլխավոր քարտուղար Ստանիսլավ Ջասը:

Վլ Նահյան, Իրաքի նախարարների խորհրդի ղեկավար Մուստաֆա Ալ-Բազիմին, Թուրքմենստանի նախագահ Գուրբանգուլի Բերդյուկովը, Մոլդովայի վարչապետ Իոն Կիլոլին, Ինդոնեզիայի նախագահ Ջոկո Վիդոդոն, ՀԱՊԿ գլխավոր քարտուղար Ստանիսլավ Ջասը:

Վլ Նահյան, Իրաքի նախարարների խորհրդի ղեկավար Մուստաֆա Ալ-Բազիմին, Թուրքմենստանի նախագահ Գուրբանգուլի Բերդյուկովը, Մոլդովայի վարչապետ Իոն Կիլոլին, Ինդոնեզիայի նախագահ Ջոկո Վիդոդոն, ՀԱՊԿ գլխավոր քարտուղար Ստանիսլավ Ջասը:

ԵՐԿԻՐԸ ՆՇԵՑ ԱՆԿԱԽՈՒԹՅԱՆ 29-ՐԴ ՏԱՐԵՂԱՐԶԸ

(Սկիզբը՝ 1-ին էջում)

Հայաստանի երրորդ Հանրապետությունը սեպտեմբերի 21-ին մշտեց Անկախության 29-րդ տարեդարձը: 29 տարի առաջ հայ ժողովուրդը հանրաքվեի միջոցով իր վճռական «այո»-ն ասաց Հայաստանի անկախությանը: Հայաստանի չափահաս բնակչության 95% մասնակցությամբ պարագայում ընտրողների 99,5%-ը «Համաձայն եք, որ Հայաստանի Հանրապետությունը լինի ժողովրդավարական անկախ պետություն» խնդրանքին:

Հայաստանի անկախությանը: Հայաստանի չափահաս բնակչության 95% մասնակցությամբ պարագայում ընտրողների 99,5%-ը «Համաձայն եք, որ Հայաստանի Հանրապետությունը լինի ժողովրդավարական անկախ պետություն» խնդրանքին:

Հայաստանի անկախ պետություն՝ խՍՀՄ կազմից դուրս» հարցին դրական պատասխան տվեց: Երկու օր անց՝ սեպտեմբերի 23-ին, երկրի Գերագույն Խորհուրդը Հայաստանը հռչակեց անկախ, ինքնիշխան հանրապետություն:

ՆԵՐԿԱՅԱՎԵՑ ՀԱՅԱՍՏԱՆԻ ՎԵՐԱՓՈԽՄԱՆ ՈՒՇՄԱՎԱՐՈՒԹՅՈՒՆԸ

Սեպտեմբերի 21-ին, Երևանի Սատեմադարանում, Անկախության 29-րդ տարեդարձին նվիրված միջոցառումների շրջանակներում, Հայաստանի վարչապետ Նիկոլ Փաշինյանը ներկայացրեց Հայաստանի վերափոխման ռազմավարությունը՝ մինչև 2050 թվականը Հայաստանի զարգացման ուղղված համահայկական օրակարգը:



ուղում, ուր ենք գնում եւ ինչպիսին ենք պատկերացնում մեր ՀՀ-ն՝ 2050 թվականին,- շեշտեց Փաշինյանը: Վարչապետը կարեւորեց արձանագրել, որ ռազմավարությունը պետք է ունենա գործնական մշանակություն:

ՀԱՅԱՍՏԱՆՈՒՄ ԿՈՐՈՆԱՎԻՐՈՒՄԻ ՀԵՏ ԿԱՊՎԱԾ ԻՐԱՎԻՃԱԿԸ ՍՐՎՈՒՄ Է

Հայաստանում կորոնավիրուսի հետ կապված իրավիճակը կրկին սրվում է: Այդ մասին սեպտեմբերի 24-ին կառավարության միտումն էր հայտարարել վարչապետ Նիկոլ Փաշինյանը:

Վարչապետի խոսքով՝ սա, իհարկե, կապված է մարդկանց շարժողունակության ավելացման հետ: - Եվ ինչպես ենք մենք այս իրավիճակին վերաբերվում: Մեր դիրքորոշումը շարունակում է մնալ նույնը, որ մենք պետք է ապրենք կորոնավիրուսի հետ զուգահեռ: Եվ այստեղ շատ բան կախված է մեզից յուրաքանչյուրի անհատական պատասխանատվությունից: Իհարկե, պետք է նաեւ վարչական խիստ մեթոդներ կիրառվեն: Եվ պայմանավորվել ենք, որ տեսչական մարմիններն ու ոստիկանությունը կուժեղացնեն հսկողությունը կանոնների պահպանման նկատմամբ: Բայց մյուս կողմից մենք պետք է

կախանանք, որ ունենք կարմիր գծեր, ասաց վարչապետը՝ ավելացնելով, որ կարմիր գիծն այն է, երբ հիվանդանոցային կարողությունները կապառվեն, ուստի այդ ժամանակ էլ կառավարությունը պետք է այլ որոշումներ կայացնի: Նիկոլ Փաշինյանն ընդգծեց, որ հուլիսին ծավալված հիվանդանոցային մեծ կարողությունները, որոնք հետ են ծավալվել, պատրաստ են ցանկացած պահի հետ վերադառնալ կորոնավիրուսի դեմ պայքար ծավալելու համար:

ԸՆԴԱՅՆՎԵԼ ԵՆ ՀԱՅԵՐԵՆԻ ԵՎ ՀԱՅԱԳԻՏԱԿԱՆ ԱՌԱՐԿԱՆԵՐԻ ԴԱՍԱՎԱՆՊՄԱՆ ԱՉԱԿՈՒԹՅԱՆ ԾՐԱԳՐԵՐԸ

Հայաստանի կրթության, գիտության, մշակույթի եւ սպորտի նախարարությունը 2019 թվականից բյուջետային ֆինանսավորմամբ էականորեն ընդլայնել է հայերենի ու հայագիտական առարկաների դասավանդման աջակցության ծրագրերը:

Ինչպես տեղեկացնում է գերատեսչությունը, «Ծրագիրն արդեն 2020-2021 ուստարում իրականացվում է 8 պետության 10 հաստատություններում, նախկին 4-ի փոխարեն՝ ներկայումս ընդգրկելով Պրահայի Կարլովի (Չեխիայի), Բուխարեստի (Ռումինիա), Վենետիկի Կա, Ֆոսկարի, Չոմոնի Լա, Սապիենցա (Իտալիա), Ջալցբուրգի (Ավստրիա), Կահիրեի (Եգիպտոս), Քենեդի (Արգենտինա) համալսարանները, Պոտսդամի Լեփսիուսի տուն-թանգարանը եւ Հալլեի «Մետրոպոլիտեն» հայագիտական հետազոտությունների կենտրոնը (Գերմանիա), եւ Մոսկվայի միջազգային հարաբերությունների պետական ինստիտուտը (Ռուսաստան): Ծրագրի իրագործման նպատակով ՀՀ պետական բյուջեից ֆինանսավորումն է հիմնականում իրականացվում է տվյալ համալսարանի եւ ՀՀ դեսպանությունների միջոցով կնքված հուշագրերի կամ համաձայնագրերի հիման վրա:

Դասավանդումն իրականացվում է հիմնականում տեղի հայագիտական ոլորտի կադրերի կողմից, երբեմն նաեւ Հայաստանից գործողված մասնագետի միջոցով (Բուխարեստի համալսարան): Հաստատություններում հայերենի իրավական կարգավիճակը տարբեր է. Վենետիկի Կա, Ֆոսկարի համալսարանում հայերենը դասավանդվում է 3 ուսումնական տարի՝ լեզվաբանների համար: Բուխարեստում այն ընտրովի առարկա է: Պրահայում եւ Ջալցբուրգում դասավանդվում են նաեւ այլ հայագիտական առարկաներ՝ «Հայոց պատմություն», «Հայ քրիստոնեության պատմություն», «Հայ գրականություն» եւ այլն: 2020 թվականին առաջին անգամ ֆինանսավորվել են հետազոտական աշխատանքներ, որի նպատակով հուշագիր է ստորագրվել Պոտսդամի Լեփսիուսի տուն-թանգարանի ինստիտուտի եւ Հալլեի «Մետրոպոլիտեն» հայագիտական հետազոտությունների կենտրոնի հետ: Հարկ է նշել, որ ԿԳՄՍՆ-ն հետևողական աշխատանքներ է տանում արտերկրում հայագիտության ցանցի ընդլայնման ուղղությամբ»,- ասված է նախարարության տարածած հաղորդագրության մեջ:

ՆՏԱՎԱՅՐԵ ՍՏԵՓԱՆԱԿԵՐՏԻՑ ՏԵՂԱՓՈՒՆՎՈՒՄ Է ԵՆԻՐԸ

2022 թվականի մայիսի 9-ին, բերդաքաղաքի ազատագրման 30-ամյակի առթիվ, Արցախի Հանրապետության Ազգային Ժողովի նստավայրը մայրաքաղաք Ստեփանակերտից կրեդափոխվի Շուշի: Ինչպես նշեց Արցախի Հանրապետության նախագահ Արայիկ Հարությունյանը, սույն որոշումն ունի ինչպես քաղաքական ու կիրառական, այնպես էլ՝ այդ պատմական ու հաղթական քաղաքը յուրովի վերարժեւորելու խորհրդանշական նշանակություն:

2 ՄԻԼԻՈՆ ԳՈՒՍՐ COVID-19-Ի ՊԵՄ ԳՈՅՁԱՐԻ ՀԱՄԱՐ

Հայաստանի եւ Ասիական զարգացման բանկի միջոց նախատեսվող «COVID-19-ին արագանքման ծրագիր» դրամաշնորհային համաչափագրի շրջանակներում Հայաստանի կառավարությունը կստանա 2 միլիոն ԱՄՆ դոլարի դրամաշնորհ: Դրամաշնորհի միջոցները կօգտագործվեն կորոնավիրուսային հիվանդության (COVID-19) համավարակի հեղուկացման արագացման նպատակով: Հայաստանի կառավարությունը կստանա 2 միլիոն ԱՄՆ դոլարի դրամաշնորհ: Դրամաշնորհի միջոցները կօգտագործվեն կորոնավիրուսային հիվանդության (COVID-19) համավարակի հեղուկացման արագացման նպատակով: Հայաստանի կառավարությունը կստանա 2 միլիոն ԱՄՆ դոլարի դրամաշնորհ: Դրամաշնորհի միջոցները կօգտագործվեն կորոնավիրուսային հիվանդության (COVID-19) համավարակի հեղուկացման արագացման նպատակով:

ԵՎՍ 30 ՄԻԼԻՈՆ ԵՎՐՈ՝ ԳՈՍԱԿԱՆ ԲԱՐԵՓՈՒՄՄԱՆ ՀԱՄԱՐ

Հայաստանի կառավարությունը հավանություն տվեց «Հայաստանի եւ Եվրոպական հանձնաժողովի միջոցով «Աջակցություն Հայաստանում դատական ոլորտի բարեփոխումների իրականացմանը. փուլ I» ֆինանսավորման համաչափագրի ստորագրման առաջարկությանը: Համաչափագրի նախագծով, այդ գումարից 3 մլն եվրոն միտված է տեխնիկական աջակցությանը (հիմնականում խորհրդարանական ծառայություններին), իսկ մնացած 27 մլն-ը՝ երեք հավասար մասնաբաժիններով հատկացվելու է պետական բյուջեին, ըստ համաչափագրի ընդհանուր եւ հատուկ պայմանների իրականացման:

ՀԱՅ ԶԻՆՏԱՆԱՅՈՒՆԵՐԸ՝ «ԿՈՎԿԱՍ-2020» ԶՈՐԱՎԱՐԺՈՒԹՅՈՒՆՆԵՐՈՒՄ

Սեպտեմբերի 21-26-ը Ռուսաստանի զինված ուժերի «Կասպուսին Յար» զորավարժադաշտում անցկացվում են «Կովկաս-2020» ռազմավարական հրամանատարաշարաբային զորավարժություններ, որի շրջանակում խաղարկվում են ահաբեկչական գործողությունների հակազդման եւ համապետք գործողությունների իրականացման սցենարներ: Զորավարժությանն ընդգրկված են մինչև 250 տանկ, 450 հեղուկափայտային մեքենաներ եւ զրահարեխնդիր, մինչև 200 հրետանային եւ համազարկային կրակի ռեակտիվ համակարգեր: Մասնակիցների թվում է նաեւ հայկական զինուժերի ստորաբաժանումը:

ԵԿԵՂԵՑԱԿԱՆ

ՍԵՂՏԵՄԲԵՐ



27.09.2020 Վարազա Սուրբ Խաչի տոն
Քրիստոնեական բոլոր եկեղեցիներն ամեն տարի մեծ հանդիսավորությամբ նշում են Խաչին նվիրված տոները:

28.09.2020 Դավիթ Դվնեցու եւ Սուրբ վկաներ Դամբեոսի եւ Դամբեուհու հիշատակության օր

ԻՐԱՎԱԿԱՆ

ԹՄՐԱՆՅՈՒԹԵՐԻ ՎԱՃԱՌՔԻ ՍԵՂԱԴՐԱՆՔՈՎ ՁԵՐԲԱԿԱԿԵԼ Է 11 ԱՆՁ

Սեպտեմբերի 23-ին Վրաստանի ներքին գործերի նախարարության կենտրոնական քրեական ոստիկանության դեպարտամենտի թմրամիջոցների ապօրինի շրջանառության դեմ պայքարի գլխավոր վարչության եւ գլխավոր դատախազության աշխատակիցները, համատեղ օպերատիվ-հետախուզական միջոցառումների արդյունքում, մայրաքաղաքի Փոնիճալ քաղաքում ձերբակալել են 11 թմրավաճառների:



իրացման մեջ: Հանցագործությունը նախատեսում է 8-ից 20 տարի ժամկետով կամ ցմահ ազատազրկում:

«Դատավորի որոշման հիման վրա կալանավորված են. 1986 թ. ծնված Ն. Ա.-ն, 1973 թ. ծնված Ի. Ա.-ն, 1987 թ. ծնված Կ.Ա.-ն, 1996 թ. ծնված Ա.Գ.-ն, 1967 թ. ծնված Գ. Փ.-ն, 1979 թ. ծնված Ս. Գ.-ն, 1999 թվականին ծնված Վ.Մ.-ն, 1979 թվականին ծնված Վ.Ա.-ն, 1971 թվականին ծնված Փ.Ա.-ն, 1985 թվականին ծնված Ռ.Ն.-ն եւ 1999 թվականին ծնված Է.Գ.-ն»,- ասված է ՆԳՆ-ն հաղորդագրության մեջ:

Ձերբակալվածների անձնական տների խուզարկության ժամանակ, ոստիկանությունը առգրավել է հերոին թմրամիջոց, մեծ քանակությամբ գումար եւ բջջային հեռախոսներ: Հետաքննությունը շարունակվում է Վրաստանի քրեական օրենսգրքի 260-րդ հոդվածով, ինչը նշանակում է խմբի կողմից նախնական համաձայնությամբ առանձնապես մեծ քանակությամբ թմրամիջոցների ապօրինի գնում, պահում եւ իրացում:

Table with 10 columns and 10 rows containing numbers 1 through 61, representing a calendar or grid.

ՄԱՅՐԱՔԱՂԱՔ

ՆՈՐԱՑՎՈՒՄ Է ՄԱՅՐԱՔԱՂԱՔԻ ՄԻԿՐՈՎԿՏՈՒՄՆԵՐԻ ՊԱՐԿԸ

Սեպտեմբերի 23-ին Թբիլիսիի քաղաքապետ Կախա Կալաձեն քաղաքապետարանում անցկացված ճեպատվիստում հայտարարեց, որ Թբիլիսիի փողոցներում նոր Ford մակնիշի 300 միկրոավտոբուսներ կըրթուեն, ինչպես նաև գործող 3000-ի փոխարեն կգործի 1200 միկրոավտոբուս:



- Հուլիսի 15-ին հայտարարվել էր գնումների մրցույթ, որի արդյունքում 300 միավոր միկրոավտոբուս է ձեռք բերվելու, որոնք աստիճանաբար փոխարինելու են արդեն հնացած, բայց գործող դեղին միկրոավտոբուսներին: Այս ուղղությամբ մրցույթն ավարտված է, պայմանագիրը կնքվել է սեպտեմբերի 18-ին: Մենք հաղ-

թող ընկերություն ունենք, եւ 300 Ford մակնիշի միկրոավտոբուսները աստիճանաբար կմտնեն մայրաքաղաք: Փոխարինումը կսկսվի շուրջ 180 օրացուցային օր-նշել է Կախա Կալաձեն: Թբիլիսիի քաղաքապետը նաեւ հիշեցրել է, որ սկզբնական շրջանում Թբիլիսիում գործում էր շուրջ 3000 միկրոավտոբուս, սակայն նոր բարեփոխումների համաձայն, դրանց թիվը կկրճատվի՝ հասնելով 1200-ի:

ՖՈՒՏՐՈԼ

ԹԲԻԼԻՍԻ «ԴԻՆԱՄՈՆ» ԵՎ «ԼՈԿՈՍՏՈՏԻՎԸ» ՄՐՑԱՊԱՅՔԱՐԻՑ ԴՈՒՐՍ ՄԱՑԻՆ, «ԱՐԱՐԱՏ-ԱՐՄԵՆԻԱՆ» ԵՎՐՈՊԱՅԻ ԼԻԳԱՅԻ ՓԼԵՅ-ՕՖՖՈՒՄ



Ցավոք, այդ մրցաշարում Վրաստանը ներկայացնող թբիլիսյան «Լոկոմոտիվն» ու «Դինամոն» չկարողացան հաղթահարել արգելքն ու դուրս մնացին մրցապայքարից: «Լոկոմոտիվը» «Նուեու Եստադիո Լոս Կարմենես» մարզադաշտում հյուրընկալվեց իսպանական «Գրանադային» եւ երկու անպատասխան գնդակ ընդունեց սեփական դարպաս:

Սեպտեմբերի 24-ին անցկացվեցին ֆուտբոլի Եվրոպայի լիգայի որակավորման երրորդ փուլի հանդիպումները:

Ցավոք, այդ մրցաշարում Վրաստանը ներկայացնող թբիլիսյան «Լոկոմոտիվն» ու «Դինամոն» չկարողացան հաղթահարել արգելքն ու դուրս մնացին մրցապայքարից: «Լոկոմոտիվը» «Նուեու Եստադիո Լոս Կարմենես» մարզադաշտում հյուրընկալվեց իսպանական «Գրանադային» եւ երկու անպատասխան գնդակ ընդունեց սեփական դարպաս: Որակավորման այդ փուլում ծայրաստիճան անհաջող հանդես եկավ Վրաստանի ամենահեղինակավոր ու ամենատիտղոսավոր Թբիլիսիի «Դինամոն» թիմը, որը Ֆարեբյան կղզիների չեմպիոն «Կլաքսիկ»-ի հետ մրցամարտում սեփական դարպասն ընդունած վեց գնդակին պատասխանեց միայն մեկ գոլով: Հատկանշական է այն

փաստը, որ Ֆարեբյան կղզիների բնակիչների թիվը զիջում է անգամ Թբիլիսիի Բորիս Պայճաձեի կենտրոնական մարզադաշտի հանդիսատեսի տեղերի թվին, եւ նման մրցակցից խայտառակ պարտությունը լուրջ հարված է վրացական ֆուտբոլի հեղինակությանը: Ինչ վերաբերում է Եվրոպայի լիգայի որակավորման այդ փուլին մասնակից Երեւանի «Արարատ-Արմենիային», ապա թիմը սեփական հարկի տակ ընդունեց սլովենական «Յելյե»-ին եւ լրացուցիչ ժամանակի 110-րդ րոպեին խիստ գոլով նվաճեց Եվրոպայի լիգայի որակավորման չորրորդ փուլին մասնակցելու ուղեգիր՝ կրկնելով անցյալ տարվա ձեռքբերումը: ՈՒԵՖԱ-ի Եվրոպայի լիգայի փլեյ-օֆֆում հոկտեմբերի 1-ին Երեւանում «Արարատ-Արմենիան» կխաղա սերբական «Ցրվենա Զվեզդա»-ի հետ:

Խ Ա Չ Բ Ա Ռ

ՀՈՐԻՉՈՆԱԿԱՆ. 1.Վրաց թագուհի: 5.Իտալացի օպերային կոմպոզիտոր: 8.Քաղաք Կիլիկիայում: 10.Կաթոլիկ եկեղեցու կենտրոնը: 13.Աչքի մաս: 16.Ուժ ու ...: 17.Բաժնու գրական հերոս: 18.Ֆ. Շիլլերի դրամաներից «... եւ խարդավանք»: 19.Շիրվանզադեի ստեղծագործություններից «Չար ...»: 20.Գերմանացի փիլիսոփա: 23.Բեռնակիր կենդանի: 26.Բեռլինում երիտթուրք Ջեմալ Ազիմի արդար դատավճռի հեղինակ ... Երկանյան: 27.Ցնորք, պատրանք: 28.Ծառի փուչ մասը: 29.Սկրտիչ Արմենի գրական հերոսուհի: 32.Ղազախստանի նախկին մայրաքաղաք: 33.Շոկոլադի հումքը: 35.Չհասկացող, անզետ: 37.Անձնական դերամուն (հոլովված): 39.Հանրահայտ կոմպոզիտոր ... Մանսուրյան: 42.Շոթա Ռուսթավելու գրական հերոսուհի: 44.Հայկական զինի: 45.Մաշտոցյան այբուբենի զինվոր: 47.Վառ կարմիրը: 48.Արեւի աստվածը Հին Եգիպտոսում: 50.Հոգեբանական հարկաբաժին եկեղեցուն: 53.Քիմիական մետաղ: 55.Քաղաք Ֆրանսիայում: 58.Արագարագ, շուտ, վազ: 57.Բանջարանոցային բույս, բազիլիկ: 59.Աֆրիկյան պետություն: 60.Հայաստանի մայրաքաղաքներից: 61.Սրգի «մումիան»:

յի մայրաքաղաքը: 3.Ֆրանսիացի երգահան: 4.Տափաստանային թռչուն: 5.Վերածննդի դարաշրջանի իտալացի գեղանկարիչ ... Վերոնեզե: 6.Ամերիկյան կինոռեժիսոր, դերասան, սցենարիստ: 7.Մարդկության նախահայրը: 9.Կաճառ: 11.Աչքի առաջ ունեցած տեսանելի դաշտը: 12.Թբիլիսիում ծնված, Եվրեոսի գազաթը նվաճած առաջին հայուհին ... Խարազովա: 14.Ընտանի ջրլող թռչուն: 14.Նար-Դոսի երկերից «Ես եւ ...»: 21.Չնկատվող, անտեսանելի: 22.Հայ ծանրամարտիկ Վահան ...: 24.Ղ.Աղայանի հեթաթի հերոս: 25.Հուր, բոց: 26.Գրական ստեղծագործություն: 28.Որոնել, ման գալ: 30.Հայտնի դերասան ... Հովհաննիսյան: 31.Կրկին, դարձյալ: 34.Աչքի խոռոչը: 36.Վերջածանց: 38.Ժխտական նախածանց: 40.Աշխարհագրական վերջավորություն: 41.Հրուշակեղենի հայտնի ֆիրմա ... Քենդի: 43.Ֆրանսահայ հանրահայտ գրող: 46.Հոգնակալներտ մասնիկ: 49.Ալ.Շիրվանզադեի գրական հերոսուհի: 51.Բժշկական գործիք: 52.Ամերիկացի կինոդերասանուհի, մոդել եւ երգչուհի: 54.Բագրատունի թագավոր: 57.Միշտ, հավիտյան:

ՈՒՂԱՆԱՅՅՈՒ. 1.Վրաց թագավոր: 2.Ինդոնեզիա-ՆԱԽՈՐԴ ՀԱՄԱՐԻ ԽԱՉԲԱՌԻ ՊԱՏԱՍԽԱՆՆԵՐԸ
ՀՈՐԻՉՈՆԱԿԱՆ. 1.Աչքածակ: 8.Առարկա: 9.Արկտիկա: 10.Ինկասո: 13.Խզբզանք: 17.Կածան: 18.Այրվածք: 21.Փափագ: 24.Չեզի: 25.Կարատե: 27.Պարկ: 29.Նամ: 31.Աղամանը: 34.Վարդ: 35.Սենատ: 36.Քիթ: 37.Հայ: 38.Թուրքում: 39.Սակակ: 42.Խաս: 43.Վան: 44.Շախմատ: 45.Մատակ: 48.Դեղ: 49.Սուլուզունի: 50.Նախկին: 51.Մինին: ՈՒՂԱՆԱՅՅՈՒ. 2.Չարլզ: 3.Արտագ: 4.Արկան: 5.Պռուկ: 6.Ցրված: 7.Բարոն: 11.Կատար: 12.Սապատ: 14.Բարձ: 15.Ահագանգ: 16.Քոք: 19.Վեպ: 20.Ծիր: 21.Փալաս: 22.Փական: 23.Գերդո: 26.Դավիթաշեն: 28.Կալանատուն: 30.Մաթուսաղա: 32.Սեղա: 33.Նանա: 37.Հավասի: 39.Սոմուն: 40.Կատուն: 41.Կրկին: 46.Ազի: 47.Անի:

Խմբագիր՝ ՎԱՆ ԲԱՅԲՈՒՐԹՅԱՆ

Մեր հասցեն՝ Թբիլիսի 0105 Գ.Աթոնելի փ. 5 Հեռ. 2990-739, 2990-774 www.vrastan.ge E-mail: vrastan.press@gmail.com

Գրանցման վկայական № 4 4 - 1439 «ԿՈԼՈՐ» հրատարակչություն

«ՎՐԱՏԱՆ» Тбилиси, Грузия «VRASTAN» Georgia, Tbilisi Индекс 66445